


ویہڑے دا رکھ



تجمل کلیم

تجمل کلیم

ویہڑے دا رُکھ

سانجھ  
SANJH  
PUBLICATIONS

سبھے حق را کھویں

کتاب دانال : ویہڑے دا رُکھ (پنجابی غزل)

شاعر : تجمل کلیم

ممکھ چتر : قمر الزمان

پہلی وار : جنوری 2017ء

مُل : 300/- روپے

تعداد : 1000

پرینٹنگ پریس : شرکت پریس لاہور

مل ورتن : فون نمبر 03004254237

ISBN:

سانجھ  
SANJH  
PUBLICATIONS

بک سٹریٹ 46/2 مرنگ روڈ، لاہور

فون 042-37355323 فیکس 042-37323950

ای میل: [sanjhpks@gmail.com](mailto:sanjhpks@gmail.com), [sanjhpks@yahoo.com](mailto:sanjhpks@yahoo.com)

ویب سائٹ [www.sanjhpublications.com](http://www.sanjhpublications.com)

تجمل کلیم

ویہڑے دا رُکھ

سانجھ  
SANJH  
PUBLICATIONS

سبھے حق را کھویں

کتاب داناں : ویہڑے دا رُکھ (پنجابی غزل)

شاعر : تجمل کلیم

ممکھ چتر : قمر الزمان

پہلی وار : جنوری 2017ء

مُل : 300/- روپے

تعداد : 1000

پرینٹنگ پریس : شرکت پریس لاہور

مل ورتن : فون نمبر 03004254237

ISBN:

سانجھ  
SANJH  
PUBLICATIONS

بک سٹریٹ 46/2 مرنگ روڈ، لاہور

فون 042-37355323 فیکس 042-37323950

ای میل: [sanjhpks@gmail.com](mailto:sanjhpks@gmail.com), [sanjhpks@yahoo.com](mailto:sanjhpks@yahoo.com)

ویب سائٹ [www.sanjhpublications.com](http://www.sanjhpublications.com)



الحمد لله  
الذي هدانا لهذا  
ما كنا لنهتدي لولا  
هدى الله لنا



الحمد لائبریری

فیس بک  
گروپ  
کتابیں  
پڑھیے

سید حسین احسن

Imagitor

Imagitor



الحمد لائبریری

فیس بک  
گروپ  
کتابیں  
پڑھیے

سید حسین احسن

Imagitor

Imagitor



الحمد لله  
الذي هدانا لهذا  
ما كنا لنهتدي لولا  
هدى الله لنا



الحمد لائبریری

فیس بک  
گروپ  
کتابیں  
پڑھیے

سید حسین احسن

Imagitor

Imagitor



الحمد لائبریری

فیس بک  
گروپ  
کتابیں  
پڑھیے

سید حسین احسن

Imagitor

Imagitor



رانا عباد خاں  
جی دے ناں



کتابیں پڑھئے۔ الحمد PDF لائبریری

Private group · 171K members





بُلّھاں تے سُرخ دی چوہدر ہندی اے  
متھے تے ٹکے دا سکّہ چلدا اے

کَلّیم اتھرو نیں دو ای بھاویں  
اوہ برف بھورا کھری تے ہے نا

گل گھوٹو کیوں آیا اے  
ساہواں نیں کہ رتیاں نیں  
اوہ دیندا اے پیار دی مار  
پیار دا پیار تے مار دی مار

وڈی شاعری اپنیاں علامتاں نوں ڈھیر وسعت عطا کر دی اے۔ اوہناں وچ رنگ  
بھردی اے تے شعری فضا نوں ہرا بھرا کر دی چلی جاندی اے۔ کَلّیم ہوراں دی اک غزل  
دے ایہہ شعروں کھوجتھے 'برف' دی علامت نیں کیہ کیہ گل کھلائے نیں۔

چھیڑ لئی او جے بات برفاں دی  
دن سناواں کہ رات برفاں دی

دھی دے جمن تے جم پیا بابل  
اگوں اپنی برات برفاں دی

میرے ناں تے کسے دی ٹھنڈی ساہ  
جی پئی کائنات برفاں دی

## یارِ کَلّیما

شاعری تے شعر فہمی (شعری معیاراں توں آگاہی) اگر نال نال نہ چلن تے کم بڑا خراب  
ہو جاند اے۔

شعر فہمی دے معاملے وچ بہت سارے شاعر پیچھے رہ جاندے نیں۔ اجیہے لوکاں دا  
شاعر ہونا کوئی اپنی وڈی گل وی نہیں سمجھی جانی چاہی دی۔ ہاں جے کر کسے شاعراں  
دی پہچان وی ہووے تے فیراوہ ضرور کسے سنجیدہ داد دا مستحق ٹھہردا اے تے اوہناں  
لقب دینا وی سچ دا اے۔ جمل کَلّیم ہوریں میری ایس گل تے پورا اتر دے نیں۔ اوہناں دی  
شاعری توں پتہ چل دا اے پئی اوہ شعر دے مغز نوں چنگی طرح سمجھدے نیں تے کوئی خیال  
اوہناں دے معیار توں گرتیں سکدا۔

بھاویں اپنا مکان اے میرا  
پر ایہہ میرا مکان تھوڑا اے

اوہنے گل سوئی دل موڑی  
نکیوں ڈھیر بریک ساں میں وی



شعر ہر بندے واسطے نہیں ہندا۔ ایہہ اقاری مخصوص ہندا اے تے اوہی اوہنوں حقیقی داد دے سکدا اے۔ ایس واسطے اصلی تے حقیقی شاعرنوں وقتی داد دی پرواہ کیتے بغیر اپنا کم جاری رکھنا چاہی دا اے۔

ایہہ بالکل ضروری نہیں پئی کسے زبان دا پروفسر یاں کوئی نخریلا بیورو کریٹ شعر کہن تے شعرون سمجھن دی صلاحیت اوس طرح رکھ دا ہووے جس طرح اک سدھا جہیا باذوق قاری یاں اک سادہ جیا ملنگ شاعر، شعرون پرکھن، ورتن تے شاعری نوں اپنی زندگی بنان دا گرجان دا اے۔ ایہہ گل سانوں تھمل کلیم نوں ملن تے اوہناں دی شاعری پڑھن ویلے بڑی چنگی طرح سمجھ آ جاندی اے۔

مظلوماں تے دکھی لوکاں دے غمنوں اپنا ناں تے اوہدے نال اپنی ایکتا دا موثر فنی تے عملی اظہار کوئی وڈا شاعری کر سکدا اے۔ ایس سطح تے آؤن واسطے اپنی ذات دے دریانوں عبور کر کے دوسرے پاسے وسدی انسانیت دے پتن تے اترنا پاؤندا اے۔ تھمل کلیم ہوریں اپنی فنی تے فکری سطح تے اک مظلوم نال کس طرح اک مک ہو گئے نیں ذرا ایہہ شعر ویکھو:

تھمل جس دم تیر چلایا  
چیرکاں وچ اک چیک سال میں وی

کئی شاعر سوں جاندے نیں پر اوہناں دے شعر جاگ دے رہندے نیں۔ میرے ورگے کئی رات دن جاگ دے رہندے نیں پر اوہناں دے شعر بھنگ پی کے تے رہندے نیں۔ تھمل کلیم ہوریں آپ بھی جاگ دے نیں، اوہناں دے شعروں جاگ دے نیں تے اوہ لوکاں نوں وی اپنے نال جاگن تے مجبور کر دے نیں۔

کچھ ہور چیزاں وی کلیم ہوراں دی شاعری وچ موجود نیں جنہاں تے میری نظر پے گئی اے۔ اک تے ایہہ پئی اوہ حیاتی نالوں مرن دا ذکر بوہتا کرن لگ پے نیں۔ ایس حوالے نال اوہناں بہت اچھے شعر کڈے نیں پر میں اوہ شعر نہیں لکھاں گا تسیں خود ای پڑھ لو۔

تھمل کلیم استاد نیں تے کسے وی لفظ نوں یاں لفظی ترکیب نوں کسے بھی وقت ردیف یاں قافیہ متھ کے غزل کہہ سکدے نیں۔ ایہہ مجموعہ ”ویہڑے دارکھ“ تے ایس توں پہلاں دیاں دو کتاباں ”برقاں بیٹھ تندر“ تے ”ہان دی سولی“ اس گل دا پکا ثبوت نیں۔ کچھ مطالعے ویکھو:

بھ دا نہیں اِکے دا سکھ چلدا اے  
ہر تھاں تے سکے دا سکھ چلدا اے

جو دستور دا مڑھکا اے  
سارے پور دا مڑھکا اے

بن گیا ایس توں تھوڑ شیشے دی  
تینوں کاہدی اے لوڑ شیشے دی

اج اوہدے لئی اج اے بھاجی  
جنہوں جین دا تچ اے بھاجی

ہوش پچھیا نشے دی لہر دے وچ  
زہر کئی کو ہندی اے زہر دے وچ



اُمید کیتی جانی چاہی دی اے پئی اوہ اِسے طرح اپنے شعراں راہیں ماحول نوں گرم  
کر دے رہن گے تے اوہناں دی شاعری پنجابی وسیب نوں ہور وی مٹھاتے گوہڑا کر دی  
رہوے گی۔

سیف علی

25 جنوری 2017

اسلام آباد

Blank

## فہرست

17	1	نہ کوئی ٹھاہ نہ ٹچ ہندی اے
18	2	اک اک کر کے گھر جانا اے، جانا اے
20	3	بجھی پنڈ کھلاڑوسی
22	4	نگھ دی قیدوں چھٹ کے رویا
24	5	نیویں سٹ کے بچدا کیوں ایں
26	6	ایہہ ننیں کہندا کھیاں دے
28	7	اوہ دیندا اے پیار دی مار
30	8	اوہدی میری رکھ تے اکھ اے
32	9	کل بے میں ساں ہتیا بھا جی
34	10	بدلاں وانگ نیں گج دے بندے
36	11	جتنی بازی ہر کے خوش آں
38	12	بے سڑیاں بے گڑیاں بڑیاں
40	13	اک تے بھکھ داننگ داڈراے
42	14	مکھ ٹیرے تے میں ننیں مرنا
44	15	انج ای رکھ دی چھاں ٹردی اے
46	16	احمد، بھگت تے دلا ساڈا
48	17	یار تے مر کے بچ ننیں سکدا

50	18	دل مسئلے داخل تے دس
52	19	منزلاں دا نشان تھوڑا اے
54	20	پنجن گے اوہو کھرے نیں جیہڑے
56	21	پتھر اُتے لیک ساں میں وی
58	22	گل دے مونہہ توں گل لاء دتی
60	23	ساہواں وچ شریک ننیں لگدی
62	24	سارے گھر دا سکھ اے نا
64	25	نصیباں نال جڑ کے ویکھیا اے
66	26	میرے گھروں ہندی اے
68	27	سجھو ٹکرے ویرتے بس
70	28	ہراک پکھ دی اپنی گل اے
72	29	چاہو بے سرداری رکھنا
74	30	دن تے گن میں مرجانا ای
76	31	کدوں ایہہ ہارنوں ہارن دے بعد من گے
78	32	شرماں دے تلوار نہ دیویں
79	33	سرتوں پیراں تک الیکاں
80	34	ہار میری غرور میرا اے
82	35	چھاں سوندی اے رکھ ننیں سوندے
84	36	بنگلے تے یا کھولی تے ننیں ماری جی
85	37	بھہ داننیں اکے دا سکھ چلدا اے
86	38	جیون صرف دعاواں ہتھ نہ آ جاوے
88	39	جو دستور دا مڑھکا اے



90	چھاواں وچ پرچھاویں لگے، لگن دے	40
92	چھنڈ کے خالی پتے یاراں	41
94	پیڑ گلے توں وکھنیں لگدی	42
96	بن گیا ایس توں تھوڑ شیشے دی	43
98	گلے دی نکر بھری تے ہے نا	44
100	نہ شیشے ول ویہندا تے نہ دوہندا	45
102	ذاتِ سفر دی حد نہیں ویہندا	46
104	چھیر لئی اوجے بات برقاں دی	47
106	پگال پٹ کے تیراں ہتھ کھیا آیا اے	48
107	اک سجن ہر جائی دو جا لیکھ نکھٹے ساڈے	50
108	دل کمزور اے تکیا ہونا	51
110	ایہہ تیری بے وفائی کھا نہ جاوے	52
112	اج اوہدے لئی اج اے بھاجی	53
114	تیتھوں وکھنیں ہو سکدا	54
116	دھرتی تلایاں جھنیاں نیں	55
118	توں بے نیویں سٹنی اے	56
120	بولن دانیں ہو رہیا	57
122	تکیاں ہر شے پوری سو	58
124	مڑ آئے آں راہواں کٹ جو بلی گئی	59
126	پھل نوں سول چھو سکدا اے	60
128	حیاتیاں دے وساء دے اُتے	61
130	اکھاں وچ مغروری پا کے ویہندا اے	62

132	تھپ کے گھار بنا لئیے	63
134	ایہہ دس ناشہد وچ کھیا گھولیا ای	64
136	ہوش پچھیا نشے دی لہر دے وچ	65
138	مکھ سنے بے مکھاسی	66
139	اج تے ہے نا بندہ مارو بندے دا	67
140	پہلاں پہلاں شرماوے گا تھوڑا بہتا	68
141	ہار دے گل ہار پا کے ویکھیا	69
142	کہہ نہ سکیا یار نوں چپاں کھا گتیاں	70
144	مصرعہ دکھ تے رہن دے	71



نہ کوئی ٹھاہ نہ ٹچ ہندی اے  
اکھ وی اکھ دے وچ ہندی اے

مقناطیس تے شے ای کوئی نتیں  
سجّ دی اوہ کھچ ہندی اے

خورے اکھ اے فوٹو کھچدی  
اندر کتے کڑچ ہندی اے



اک اک کر کے گھر جانا اے، جانا اے  
آخر سبھ نے مر جانا اے، جانا اے

اج مینوں میدان اچ جان توں روکیں نہ  
میرا لڑیاں ڈر جانا اے، جانا اے

ہنجواں دا کوئی لما چوڑا جیون نتیں  
جنہاں پلکیں تر جانا اے، جانا اے



جیون کھوہ تے صدیاں تک نہیں بہہ رہنا  
جیہڑا بھاٹڈا بھر جانا اے، جانا اے

سجّی ٹھارے یا فرجھے موت لووے  
جدھر اندر ٹھر جانا اے، جانا اے



بجّھی پنڈ کھارو سی  
بندہ، بندہ مارو سی

میں تے کنڈھے بیٹھاواں  
ڈُبن والا تارو سی

پگّ رکھی سو پیراں وچ  
تیلی لا کے ٹھارو سی

قسمے قسمت ویر گئی  
اوہ تے مینوں ہارو سی

مینوں رب نے رکھیا اے  
ڈنگر مینوں چارو سی

بس احسان ای نہ منیا  
اوہ تے منہ تے مارو سی



گکھ دی قیدوں چھٹ کے رویا  
اج اک بوٹا پھٹ کے رویا

میں تے ہس کے گھاٹے سہہ لے  
لٹن والا لٹ کے رویا

پچی وستی لنگھن لگیاں  
راتیں بدل ٹٹ کے رویا



لٹھے دی تھاں پاٹے لیڑے  
چور قبر نوں پُٹ کے رویا

گھٹ گھٹ کر کے اتھرو پیتے  
واج گلے وچ گھٹ کے رویا



نیویں سٹ کے بچدا کیوں ایس  
اینا منکر سچّ دا کیوں ایس

مینوں پتھر کہندا پھرنا ایس  
مینوں دس توں کچّ دا کیوں ایس

لکڑ ایس تے رونا کاہدا  
پانی ایس تے مچدا کیوں ایس

صفرا اک چوں اک بے کڈھاں  
توں فر باقی بچدا کیوں ایں

کھچّ ہوون دا شوق اے تینوں  
بلھا ننیں تے نچدا کیوں ایں

جھوٹھا ج اک گل تے دس دے  
موہرا ایں تے بچدا کیوں ایں



ایہہ ننیں کہندا لکھاں دے  
گکھ بچا لے لکھاں دے

ساڈا وی سر جاندا اے  
صدقے تیریاں اکھاں دے

سُولی نال وی نٹراں گا  
پیسے جوڑ لاں رکھاں دے



قسمے مل پے جاندے نیں  
بھانبر ہوئے ککھاں دے

یا منگن دی لوڑ نہ چھڈ  
یا انھے نوں اکھاں دے



اوہ دیندا اے پیار دی مار  
پیار دا پیار تے مار دی مار

سوچ کے چکر آوندا اے  
دتی سو پرکار دی مار

قسمے بھکھ ای مرگئی اے  
کھاہی سی اتبار دی مار

پیار ای بُتا سارے گا  
بُتے نہیں جے سار دی مار

میں منصور دا ساتھی ہاں  
کبھی کر لے گی دار دی مار



اوہدی میری رُکھ تے اکھ اے  
میری اوہدی اکھ تے اکھ اے

صدقے جاواں اِکو توں ایں  
ساڈی کبھڑی لکھ تے اکھ اے

کلاں میں نہیں اوہدے پتھھے  
گھٹو گھٹ وی لکھ تے اکھ اے



دل تے اج وی کول اے میرے  
اجکل میٹھوں دکھ تے اکھ اے

پیراں نوں تے موڑ وی سکنّاں  
اکھ نئیں بھونی، اکھ تے اکھ اے

ایویں لوک سمندر کہندے  
گھٹ کُو پانی چکھ تے اکھ اے



کل جے میں ساں ہسیا بھا جی  
مینوں کیوں نہیں دسیا بھا جی

دُنیا جد میرے ول نسی  
میں اپنے ول نسیا بھا جی

کیوں آکھاں اس گھوری پائی  
تیر کمانے کسیا بھا جی

کلی میں نہیں شہر نوں چھڈیا  
بدل وی نہیں وِسیا بھا جی

اکھ چوں پی کے ڈول گیا واں  
پہلی وار ساں پھسّیا بھا جی



بدلاں وانگ نیں گجّے بندے  
وِسن کسراں اج دے بندے

توں جے پلو کیتا ہندا  
کندھال وِچ نہ وجدے بندے

رِبا تینوں تھوڑ اے کیہڑی  
تیتھوں وی نہیں رجدے بندے



قسمے منزلِ ملِ جانی سی  
اک پاسے جے بھجے بندے

دوہاں صدیاں تیکر جینا  
تج دے شعر تے تج دے بندے



جیتی بازی ہر کے خوش آں  
میں تینوں خوش کر کے خوش آں

سینے لا کے ٹھار وے سوہنا  
انج ٹھاریں تے ٹھر کے خوش آں

موت توں کوئی لگ سکیا اے  
جان تلی تے دھر کے خوش آں

ڈُبن والے ڈھیر دُکھی نیں  
میں وی کھڑا تر کے خوش آں

اکھاں نوں کوئی روگ نہیں جی  
دل دی چٹی بھر کے خوش آں

خوف خوشی بے جوڑ نیں بھاویں  
سوہنے رب توں ڈر کے خوش آں



بے سُریاں بے گُریاں بُریاں  
مطلب گلاں بُریاں، بُریاں

ٹور سی اوہدی موراں ورگی  
ٹور تے گلاں ٹُریاں، بُریاں

مصرعہ وی زنجیر اے بھا جی  
کھلیاں ہون بے گھُریاں، بُریاں



جُگ جُگ جیون سوہنیاں اکھاں  
جے بن جاون چھڑیاں، بُریاں

چُپ برفاں نوں سیک نہ دیویں  
جے ایہہ برفاں کھڑیاں، بُریاں

میری عمر دے جھورے پُن لے  
ایہہ نہ آکھیں جھڑیاں بُریاں



اک تے بھکھ دانگ داڈراے  
دوجا سرتے جنگ داڈراے

مصرعے وچ نئیں بنھیا جاندا  
خورے کھڑے رنگ داڈراے

تینوں تخت ہزارے دی اے  
مینوں تیرے جھنگ داڈراے

خوف خدا دا اوہنوں وی نہیں  
چورنوں اپنی کھنگ دا ڈراے

دو کسراں ہمت دیواں  
منگن والا منگدا ڈراے



مکھ ٹیرے تے میں نہیں مرنا  
ہُن تیرے تے میں نہیں مرنا

آپ تے صدقے ہو سکنال وال  
اوہ گھیرے، تے میں نہیں مرنا

اِکو واری کوہ لے پیا  
ہر پھیرے تے میں نہیں مرنا



ایہہ سبجناں دا ڈیرہ ننیں تے  
اِس ڈیرے تے میں ننیں مرنا

لعنت اِنج دیاں اکھاں اُتے  
جے میرے تے میں ننیں مرنا



اِنج ای رُکھ دی چھاں ٹُردی اے  
جسراں سرتوں ماں ٹُردی اے

سوچ نوں خورے پیڑ اے کوئی  
ناں بہندی اے نال ٹُردی اے

اندر کھوہ وی خالی سمجھو  
ساہ اے جسراں لال ٹُردی اے

اوہدی فوٹو تیکنی پیندی  
غزل اگانہہ ای تاں ٹردی اے

جدھر سوہنی اودھر اکھاں  
لے کے نال جھناں ٹردی اے



احمد، بھگت تے دلا ساڈا  
باہو، وارث، ملہا ساڈا

جے اوہ سوہنا تتا رکھے  
حاضر سبھ لئی چلہا ساڈا

ساہواں وانگر شعر نیں آوندے  
وسے مرشد ملہا ساڈا



سر چکن دی دیر اے ساری  
رُکھ بنے گا کُلا ساڈا

مالک شعر دا ڈھنگ دتا اے  
ایویں ننیں مونہہ کُلا ساڈا

جد پرواز دے وچ ہندے آں  
بدل بن دا جُلا ساڈا



یار تے مَر کے بچ ننیں سکدا  
اتھرو تَر کے بچ ننیں سکدا

ساہواں ہار کے بچ سکنا واں  
سجّ ہر کے بچ ننیں سکدا

لڑ کے پچیا جا سکدا اے  
بندہ ڈر کے بچ ننیں سکدا

عاشق مَر کے جی سکدا اے  
مِنتاں کر کے بچ نئیں سکدا

صبر کلّیم بچا سکدا ای  
ہو کے بھر کے بچ نئیں سکدا



دل مسئلے دا حل تے دس  
مینوں وچلی گل تے دس

کنڈیوں اولے گل نہ کر  
اوہدے مونہہ تے چل، تے دس

مُرشد اکھ اج ڈُبنّا اے  
اج ڈُبن دا وَل تے دس

ساریاں چھلاں تکیاں نیں  
امبروں اُچی چھل تے دس

جی کردا اے ہسن تے  
پر ہسن دا ول تے دس

صبر کلّیم نوں دسنا ایں  
نال صبر دا پھل تے دس



منزلاں دا نشان تھوڑا اے  
پیار اے امتحان تھوڑا اے

میرے چھپڑنے اڈای جانا اے  
ایہہ تیرا آسمان تھوڑا اے

بھاویں اپنا مکان اے میرا  
پر ایہہ میرا مکان تھوڑا اے



ویلیا توں نہ ظلم کر بھائی  
ظلم لئی خاندان تھوڑا اے

عشق کیتا اے قسم کجے دی  
ایہہ سیاسی بیان تھوڑا اے

میں جے منگن تے آ گیا رہا  
تیرا سارا جہان تھوڑا اے



بچن گے اوہو کھرے نیں جیہڑے  
اوہ موئے سمجھو ڈرے نیں جیہڑے

کدی نہ اکھاں چ ریت اڈدی  
اوہ ست سمندر بھرے نیں جیہڑے

اوہ میں سی میری جو ڈب گئی اے  
ایہہ کلکھ نیں میرے ترے نیں جیہڑے

اوہ بمب والا شہید سمجھاں؟  
تے ایہہ وچارے مرے نین جیہڑے

توں صرف لاشاں دکھا رہیا ایں  
تے ساڈے چلے ٹھرے نین جیہڑے



پتھر اُتے لیک ساں میں وی  
ایتھوں تک تے ٹھیک ساں میں وی

آدم تک تے بھ نوں دِنا  
خورے کتھوں تیک ساں میں وی

حُمل جس دم تیر چلایا  
چیکاں وچ اک چیک ساں میں وی

اوہنے گل سُوئی ول موڑی  
نکیوں ڈھیر بریک ساں میں وی

عمرے مینوں رول رہی ایس  
تینوں نال دھریک ساں میں وی



گل دے مونہہ توں گل لاه دتی  
میں حرفاں دی کھل لاه دتی

اپنا آپ تے کوہ ہی دتا  
ویلے دی وی ول لاه دتی

موہڈے سوڑے پئے جانے جے!  
جے ہالی نیں کھل لاه دتی



ایہہ مٹی دی کھج اے پیارے  
جنھے واپس چھل لاه دتی

دکھ دی جنس نہ وڈی ویراں  
ساری میرے ول لاه دتی



ساہواں وچ شریک نہیں لگدی  
موت دی نیت ٹھیک نہیں لگدی

میں چپاں توں ڈریا پھرنا  
تینوں چیک وی چیک نہیں لگدی

ساہ نوں ساہ ساہ پینا پینا  
اکو ساہے ڈیک نہیں لگدی

کس مٹی دا بنیا ایس توں  
تینوں بھیک وی بھیک نہیں لگدی

شامو شامی گھار کلیما  
اج طبیعت ٹھیک نہیں لگدی



سارے گھر دا سُکھ اے نا  
پیو ویہڑے دا رُکھ اے نا

میں ایہہ قید وی کٹ لاں گا  
تیرا مطلب بھُکھ اے نا

جنہوں چن پئے کہندے نیں  
ایہہ تیرا ای مُکھ اے نا

نوٹ اُبال کے لے آواں  
تیری دولت بھکھ اے نا

اوہ ہن گل وی ننیں کردا  
ایسے گل دا دُکھ اے نا



نصیباں نال جڑ کے ویکھیا اے  
میں پہلی وار تھڑ کے ویکھیا اے

ایہہ میں پتھر دا کسراں ہوگیا واں  
نہ کافر ہاں نہ مڑ کے ویکھیا اے

ہراک کرچی دے وچ مورت اے تیری  
تدے پتھر نے اڑ کے ویکھیا اے



میرے پیراں تیری راہ دے توے تے  
کئی واری تے رُڑ کے ویکھیا اے

اے جینا کہ ٹھنڈا ہو گیا واں  
تلی کنڈے نے پُڑ کے ویکھیا اے

کئی واری کلیمّا توڑیا سُو  
کئی واری میں جُڑ کے ویکھیا اے



میرے گھر وی ہندی اے  
ہنج پتھر وی ہندی اے

جیون دی آزادی لئی  
ساہ اندر وی ہندی اے

چھلتر چبھ کے دسی اے  
کچھ چھلتر وی ہندی اے

گل مرہم وی بن دی اے  
گل خنجر وی ہندی اے

اکھ جے پردہ رکھدی اے  
اکھ مخبر وی ہندی اے



سجھو ٹکڑے ویرتے بس  
سانوں دکھ اے غیرتے بس

شیشے ساہویں ہو کے اج  
سدھا ماراں فیرتے بس

جتھے ساقی ڈول گیا  
ساڈی او سے پیرتے بس

جیون کئیہ اے لے دے کے  
چار دناں دی سیرتے بس

وقت کلیمہ جو وی اے  
آخر ہووے خیرتے بس



ہر اک پکھ دی اپنی گل اے  
اوہدی دکھ دی اپنی گل اے

جنگ ہزار دی بات اے اپنی  
اوویں لکھ دی اپنی گل اے

راہ دے ککھ دی اپنی قسمت  
اکھ ایچ ککھ دی اپنی گل اے



چن مُکھڑا بُلھ پھلاں ورگے  
اُنج پر اکھ دی اپنی گل اے

صدقہ وی کم آ جاندا اے  
قسمے رُکھ دی اپنی گل اے



چاہو جے سرداری رکھنا  
فر نہ سوچ بزاری رکھنا

نکی پتہ ہار کے ملدی  
پلے ہے تے ہاری رکھنا

جے نقصان توں بچنا ہووے  
مونہ نوں جنڈرا ماری رکھنا

فرشاں وچ نہ بوہے کڈھنا  
چھت ولوں نہ باری رکھنا

میں بندے نوں لے بہندی اے  
اس لئی میں نوں ماری رکھنا



دن تے گن میں مر جانا ای  
تیرے بن میں مر جانا ای

میں گڈی دے کاغذ ورگا  
توں کن من میں مر جانا ای

جیہڑے دن توں کھنڈ کرنی اے  
او سے دن میں مر جانا ای

میرے قد نول تول رہیا ایس  
تول نہ، من میں مر جانا ای

جان دی بولی لا دتی او  
اک دو تن میں مر جانا اے



کدوں ایہہ ہارنوں ہارن دے بعد من گے  
میرا ہنر مینوں مارن دے بعد من گے

میں کہہ رہیا واں نہ ٹوٹے کرو حویلی دے  
وچالے کندھ اُسارن دے بعد من گے

میں جیہڑے سیک نول جیون بنا کے لے ٹریا  
ایہہ اوس اگ نول وی ٹھارن دے بعد من گے



میں کہہ رہیا ساں میں ہولا میں نکھ توں ہولا  
کیہ میرے نکھ تارن دے بعد منن گے

جے نکھ اڈے تے گل دور تک چلی جانی  
ضرور کھٹ کھلارن دے بعد منن گے



شرماں دے تلوار نہ دیویں  
اکھاں نوں ہتھیار نہ دیویں

تینوں جیون کہہ بیٹھا واں  
ویکھیں کدھرے مار نہ دیویں

سارا میری جھولی پا دے  
نہ پچھیں تے پیار نہ دیویں

مینوں لٹ دا مال سمجھ کے  
اگے کدھرے ہار نہ دیویں



سر توں پیراں تک اُلیکاں  
بلہ بناواں نک اُلیکاں

اگ پھلاں نوں لگ جانی اے  
جے بُلھاں تے سک اُلیکاں

قلم مروڑی نئیں پئی کھاندى  
کسراں اوہدا لک اُلیکاں

اج قسمت دی چوٹھی دساں  
یا تقدیر دا چک اُلیکاں



ہار میری غرور میرا اے  
یار نظراں توں دور میرا اے

اک نئیں اک ہزار تھاں ایں توں  
دل دا شیشہ جو چور میرا اے

پنڈ میرے بابیاں دی غلطی سی  
شہر ویسے قصور میرا اے

باقی ہر چیز میرے یار دی اے  
کلا پیڑاں دا پور میرا اے

تیری اکھ دا کلیم کہیہ کرینے  
کل نوں آکھیں گا طور میرا اے



چھاں سوندی اے رُکھ نئیں سوندے  
اکھ لگدی اے دُکھ نئیں سوندے

رہا اپنے جن توں چُچھ لے  
راتیں پیلے مکھ نئیں سوندے



مصرعہ بھاویں پلنگ وی ہووے  
ایس زمینے سُکھ نئیں سوندے

رَبّا تیرے لکھ شکرانے  
بچے سہہ کے بھکھ نئیں سوندے



بنگلے تے یا کھولی تے نئیں ماری جی  
نظر کسے دی جھولی تے نئیں ماری جی

ہاں جی محل دے ساہویں میری کھولی اے  
محل دے مونہہ تے کھولی تے نئیں ماری جی

تن سو دو تے یار کلیمّا دابا اے  
اکھ ماری اے گولی تے نئیں ماری جی



سبھ دا نہیں اِکے دا سِکّہ چلدا اے  
ہر تھاں تے سِکّے دا سِکّہ چلدا اے

بُلّھاں تے سُرخی دی چوہدر ہندی اے  
متھے تے نِکّے دا سِکّہ چلدا اے

میری خالی جیب وی سمجھو بھاری اے  
میرے توں نِکّے دا سِکّہ چلدا اے



جیون صرف دُعاواں ہتھ نہ آ جاوے  
بوٹا گھنیاں چھاواں ہتھ نہ آ جاوے

پُتر ٹور کے پیو نوں اکو چنتا سی  
یوسف کتے بھراواں ہتھ نہ آ جاوے

میرا مسلہ نہیں پر دُھڑکو رہندا اے  
دُھپ ای کدھرے چھاواں ہتھ نہ آ جاوے

منگ کے کھان توں بھکھا مرنا چنگا اے  
میرا ملک گداواں ہتھ نہ آ جاوے

طاقت وردے ہتھنوں وی اک ڈرتے ہے  
اگوں کدھرے ساواں ہتھ نہ آ جاوے

بھیرا ویلا ساڈے ہندیاں بالاں تے  
زل کے چکے ماواں ہتھ، نہ آ جاوے



جو دستور دا مڑھکا اے  
سارے پور دا مڑھکا اے

ایہہ انج عرق گلاب ای اے  
یاں فرحور دا مڑھکا اے

دور دی رشتے داری اے  
ایہہ کوئی دور دا مڑھکا اے



نہ منصور نے مرنا سی  
نہ منصور دا مڑھکا اے

نہیں سرکار ترونکا نہیں  
ایہہ مزدور دا مڑھکا اے



چھاواں وچ پرچھاویں لکے، لکھن دے  
جیہڑا جیہڑی تھاویں لکے، لکھن دے

ڈریا ہویا بندہ اک کبوتر اے  
اکھاں میٹ کے بھاویں لکے، لکھن دے

اگ بمباں دی ساڑ نہ دیوے سارا کجھ  
دھپ بے آکے چھاویں لکے، لکھن دے

ڈُبدے ویلے سَورج کھندا جاندا سی  
جیہڑا جیس سِراویں لگے، لُکن دے

رِسیاں وچ ولاویں لکدے ویکھے سی  
گتھاں وچ ولاویں لگے، لُکن دے



چھنڈ کے خالی پتے یاراں  
جا دربار نیں ملے یاراں

اک ہوون نوں ترسی جانا  
ہو کے کلے کلے یاراں

صبر دا بھرم سلامت رکھیا  
رو کے بدلاں تھلے یاراں

باراں تالی دُنیا اندر  
وَسْنا کِیہڑی گلے یاراں

یار کلیمّا وِیچ لئے نیں  
اپنے اپنے چھلے یاراں



پیڑ گلے توں وکھ نئیں لگدی  
سرگھی تک جو اکھ نئیں لگدی

زندگی لئی میں مردا پھرنا  
حالاں میری نکھ نئیں لگدی

ماں بے اکھاں پھیر لووے تے  
گل دی رکھ وی رکھ نئیں لگدی



لکھ تے لکھ واری ٹھکرایا  
میری قیمت لکھ نہیں لگدی

اکھ اے تیتھوں وکھ کلیمہ  
اُنج ویکھن نوں وکھ نہیں لگدی



بَن گیا ایس توں تھوڑ شیشے دی  
تینوں کاہدی اے لوڑ شیشے دی

لاکے سُرخی نہ شیشے ساہویں بہہ  
ویکھ رت نہ نچوڑ شیشے دی

دل دے ٹوٹے گئے تے یاد آیا  
تیتھے اکھ اے کروڑ شیشے دی

بن تیرے ویکھیا اے پتھراے  
آ حیاتی تے موڑ شیشے دی

ذات اپنی کلیم شیشہ کر  
یا کہانی نہ جوڑ شیشے دی



گلے دی نکر بھری تے ہے نا  
سُریلیا بے سُرّی تے ہے نا

اساڈا دل اے مرین اُتے  
تہاڈی اکھ وی چھری تے ہے نا

دھروہ کے لے گئی برائی ولے  
انگور زادی بُری تے ہے نا

اوہ بھاویں میرا اُلاہمہ آیا  
کسے طرح گل ٹڑی تے ہے نا

کَلّیم اتھرو نیں دو ای بھاویں  
اوہ برف بھورا کھری تے ہے نا



نہ شیشے ول ویہندا تے نہ دو ہندا  
اپنے آپ اِچ رہندا بھاویں جو ہندا

پُھل ہوون دا جھاکا دیندا پھرنا ایں  
بن جاندوں تے میں تیری خشتبو ہندا

تھاں تھاں دیوے بالن نالوں چنگا سی  
اکو عشق ای تیرے اندر لو ہندا

ہن ایہہ پتھر تینوں چکنا پینا اے  
میتھوں ننیں ہن کلیاں بہہ کے رو ہندا

اوہنوں آکھ کلیمّا چھتے نہ آوے  
میتھوں ننیں ایہہ اکھ دا بوا ڈھو ہندا



ذات سفر دی حد ننیں ویہندے  
میری اپنی جد ننیں ویہندے

پرکھن لئی اک دانہ وادھو  
ساری دیگ اُلد ننیں ویہندے

پتھر ہون دا ڈر رہندا اے  
کچھوں وجی سد ننیں ویہندے



بندہ شکلوں پڑھ لینے آں  
زیر، زبریاں شدنیں ویہندے

گل نے وڈا چھوٹا کرنا  
لوک کلیمہ قدنیں ویہندے



چھیڑ لئی او جے بات برفاں دی  
دن سناواں کہ رات برفاں دی

دھی دے جمن تے جم پیا بابل  
اگوں اپنی برات برفاں دی

اوس کچے گھرے نوں بچھو نا  
روہڑ دتی سو ذات برفاں دی

میرے ناں تے کسے دی ٹھنڈی ساہ  
جی پئی کائنات برقاں دی

ہن کلیمّا خدا ای خیر کرے  
فراے پانی تے جھات برقاں دی



پگال چُٹ کے تیراں ہتھ کبہ آیا اے  
کر کے لیراں لیراں ہتھ کبہ آیا اے

سارا کجھ تے ڈاکوٹ کے لے گئے نیں  
سوچ رہیاں تقدیراں ہتھ کبہ آیا اے

اکھاں چٹیاں بُلہ پتھر دے کر لئے نیں  
چُم چُم کے تصویراں ہتھ کبہ آیا اے



اک سجن ہرجائی دوجا لیکھ نکھٹے ساڈے  
انج شیشہ نیس ٹٹدا جسراں وعدے ٹٹے ساڈے

کد ساہواں دے قیدی ساں ایہہ ساہ سی ساڈے قیدی  
ساڈی جان ای تاں چھٹی جد قیدی چھٹے ساڈے

بھکھاں دا ورتارا وی کوئی ایڈا چنگا نیس سی  
پلساں وانگر لمیاں پا کے پاسے کھٹے ساڈے



دل کمزور اے تکیا ہونا  
لا کے زور اے تکیا ہونا

اکھ تے گونگی نیس نا ہندی  
اکھ نے شور اے تکیا ہونا

ویکھ کے جیندا مڑ آیا ایس  
توں کوئی ہور اے تکیا ہونا

یا تے ساہ توں ڈر لگدا ای  
یا توں چور اے تکیا ہونا

جہندی ٹور کلیمہ بدلی  
اوہنے مور اے تکیا ہونا



ایہہ تیری بے وفائی کھانہ جاوے  
کتنے مینوں جدائی کھانہ جاوے

بھرا اگے بھرا رکھیا اے لوبھاں  
کتنے بھائی نوں بھائی کھانہ جاوے

اصل وچ زہراے اوہدی دوائی  
دُعا کرنا ، دوائی، کھانہ جاوے



بھلائیوں شہد وانگوں جوڑیاں نیں  
گناہ میری کمائی کھا نہ جاوے

محبت وچ کلیمّا ڈر اے ایہو  
کتنے اوہ میری آئی کھا نہ جاوے



اج اوہدے لئی اج اے بھاجی  
جنہوں جین دا تچ اے بھاجی

امبر اپنے جوگا نہیں جے  
بھونیں امبر دا کج اے بھاجی

ماپے میرے حصے آئے  
میرے لئی تے جج اے بھاجی

جسراں چاہوے چھنڈ دیندا اے  
ویلہ ایسا چھج اے بھا جی

مینوں سر نئیں چکن دیندا  
اندر وی اک جج اے بھا جی



تیتھوں وکھ نئیں ہو سکدا  
چاہواں لکھ، نئیں ہو سکدا

گل وچ اوہدیاں باہواں دا  
مطلب رکھ نئیں ہو سکدا

کیری اکھ نے ڈنگیا اے  
ایہدا ککھ نئیں ہو سکدا

تیرے بُلّھ نہیں بن سکا  
تیری اکھ نہیں ہو سکا

لکھوں ککھ جو ہویا واں  
لکھوں ککھ نہیں ہو سکا؟



دھرتی تلیاں جھٹیاں نیں  
تاں تے پیڑاں ہٹیاں نیں

گل گھوٹو کیوں آیا اے  
ساہواں نیں کہ رسیاں نیں

جال سی سٹیا مچھیاں لئی  
وج چڑیاں پھٹیاں نیں

جنیاں گلاں کرنا واں  
مینوں کھنھے دسیاں نیں

کد میں اتھرو پیتے نیں  
اندر کنیاں وسیاں نیں



توں جے نیویں سٹنی اے  
میں تے چُپ ای وٹنی اے

آری مینوں دیندا جا  
حالے رات وی کٹنی اے

دُوری نیڑے آئی تے  
میں تے مار ای سٹنی اے



جیون والے کم چوں وی  
بندے قبر ای کھٹنی اے

جیہڑا اکھ نئیں پٹدا ہُن  
اوہنے جڑ ای پٹنی اے

آکھ کلیما تگڑے نوں  
توں ای مٹی چٹنی اے



بولن دا نئیں ہور جیہا  
سُنیا اے اک شور جیہا

یا تے پیار ای نہ ہووے  
یا فر چن چکور جیہا

ساہویں بہہ کے گلاں کر  
اندر کیہ او چور جیہا

اکھاں میٹ کے دے سکناں  
مصرہ اوہدی ٹور جیہا

ہاں تے کر ای دتی سو  
لہجہ سی کمزور جیہا

عشق کلیمہ دیوے گا  
پھٹ اک نواں نکور جیہا



تکلیاں ہر شے پوری سو  
سوچ ای انھی موری سو

اکھاں وچ کدورت اے  
چھنے وچ تے چوری سو

رب اکھوانا چاہندا اے  
دتی تے مزدوری سو

فیر وی اکھاں بُوہے تے  
قبر وی ہتھیں پوری سُو

دُور کلیم توں رہندا اے  
خورے کبھی مجبوری سُو



مڑ آئے آں راہواں کٹ جو بلی گئی  
جیہڑی اکھ وی راہوں پرتی گئی گئی

اوہدا رُوپ ای حدوں ودھ لٹیرا سی  
ایویں نہیں سی لٹی دل دی دلی گئی

اک واری اس بوہا آ کھڑکایا سی  
دل دی کُنڈی عمراں تیکر بلی گئی

میں تے لکھ کے سٹ دتا سی نہ آویں  
پر دریاؤں پار نہ میتھوں ڈلی گئی

یاد دے نو نہہ چھ ست دن کٹنے بھلیا تے  
نویاں نال پرانے پھٹ وی چھلی گئی

نئیں تے دل دے ہتھوں عزت رُل جاندی  
ترے لیندی پگ دے پیچھے کُلی گئی



پھل نوں سول چھو سکدا اے  
ہسن والا رو سکدا اے

اوہنوں ہار دا ڈر ای کمیہ اے  
جیہڑا ہار پرو سکدا اے

جو توں میرے نال اے کیتا  
تیرے نال وی ہو سکدا اے



نیڑے بیہن دا حق اے اوہنوں  
جیہڑا نال کھلو سکدا اے

اوہ مٹی تے مٹی پا کے  
مٹی فیر وی گو سکدا اے

یارِ کلّیم دے عیب اُچھالن  
ہو سکدا اے، ہو سکدا اے



حیاتیاں دے وساہ دے اُتے  
ایہہ کون موئیا اے راہ دے اُتے

میرے مرن تے کرن گے اتھرو  
پوے گی بارش سواہ دے اُتے

میرے قتل دا گواہ اے قاتل  
تے گل مُکّنی گواہ دے اُتے

یقین رکھنا واں ہمتاں تے  
اُمید سی بادشاہ دے اُتے

میں مردا مردا چکا دیاں گا  
ایہہ جتنا قرضہ اے ساہ دے اُتے

اوہ آپ اپنے کلیم ویری  
جو لوک تڑدے گناہ دے اُتے



اکھاں وچ مغروری پا کے ویہندا اے  
ویہندا اے پر گھوری پا کے ویہندا اے

میرے ورگے کھیسے پائی پھر دے نیں  
جیوں جنہوں پوری پا کے ویہندا اے

جنہوں رب نے نیڑیوں تکنا ہندا اے  
قسمت وچ مزدوری پا کے ویہندا اے

جس دے طوطے بھکھ توں پنجرہ توڑ گئے  
اج کاواں نوں چوڑی پا کے ویہندا اے

ایہہ ننیں کہندا میرے ول اوہ ویہندا ننیں  
پر اکھاں وچ دُوری پا کے ویہندا اے



تھپ کے گھار بنا لئیے  
آؤ من پرچا لئیے

اوہو دُکھ ای گولی اے  
جیہڑا دل تے لا لئیے

ماں کہہ کے بے گُلّھی نوں  
آؤ ڈھیر دُعا لئیے

پتر بھکھے نہ سونو  
اٹھو سبق پکا لیے

میں تے ہاسا کیتا سی  
توں تے دل تے لالئی اے



ایہہ دس نا شہد وچ کیہ گھولیا ای  
سورے اٹھ کے مندا بولیا ای

توں مینوں روز بدل آکھدا سیں  
وسایا ای کہ مینوں رولیا ای

ایہہ بجلی دی کڑک دسی اے مینوں  
کے ماڑے نوں مندا بولیا ای



سوائے رب دے مینوں دس ہاں پیارے  
کسے تے راز دل دا کھولیا ای

کلیمّا پیر بھوئیں تے ننیں پیندا  
ایہہ ویسے پہلی واری ڈولیا ای



ہوش پچھیا نشے دی لہر دے وچ  
زہر کئی کو ہندی اے زہر دے وچ

کلی نہر دے کنڈھے تے پا بیٹھاں  
چن ٹہلدا ویکھ کے نہر دے وچ

میرے ساگ پہچان تے سڑ جاندے  
اوہدے جنے وی سکے نیں شہر دے وچ

دکھ اکھاں دے راہیں کیوں باہر آئے  
جے سی گھر دے جی تے ٹھہر دے وچ

کسے ویکھیا ہووے تے گل کرے  
چن چھت تے شکر دوپہر دے وچ



مکھ سنے بے مکھا سی  
اجکل رُکھا رُکھا سی

ڈھڈ تے گولی کھاہی سو  
چار دناں توں بھکھا سی

مینوں روگ تے دَن دے  
میرے بلہ نہ دُکھا سی



پہلاں پہلاں شرمائے گا تھوڑا بھتا  
سوہنا اے نا ترپاؤے گا تھوڑا بھتا

اکھ روئی تے کئیہ اے ویری ہسے گا نا  
دل نوں وی تے چین آوے گا تھوڑا بھتا

اگلے پھٹ توں چار دناں دی مہلت لے لے  
پہلا پھٹ وی بھر جاوے گا تھوڑا بھتا

بھکھی اکھ نوں روک لوو تے رب دی قسمے  
بھتا تھوڑا ہو جاوے گا تھوڑا، بھتا



اج تے ہے نا بندہ مارو بندے دا  
کل ہندا سی بندہ دارو بندے دا

ڈبن مہنا مینوں کس لئی دیندے او  
بھا جی ایہہ تے کم اے تارو بندے دا

اک بس بندہ بندے نوں پہچان لووے  
رب توں پہلاں بندہ سارو بندے دا



ہار دے گل ہار پا کے دیکھیا  
دُشمنی وچ پیار پا کے دیکھیا

جو کہانی مر گئی سی جی پئی  
وچ جدوں کردار پا کے دیکھیا

فیرتے پیراں دی گل ای ہور سی  
میں جدوں کجھ بھار پا کے دیکھیا



کہہ نہ سکیا یار نوں چُپاں کھا گتیاں  
لوکو میرے پیار نوں چُپاں کھا گتیاں

راتیں جھ کٹیجی تے میں چُپ ہویا  
اگلے دن اخبار نوں چُپاں کھا گتیاں

جہندی راہ نوں تکرے اٹھاں تھک گتیاں  
آیا، جد بیمار نوں چُپاں کھا گتیاں



اگوں رولا پایا جد بندو قاتل نے  
ڈگ کے پہریدارنوں چپاں کھا گئیاں

پہلاں مینوں رج کے کھا ہدا بھکھاں نے  
مڑ کے میرے گھارنوں چپاں کھا گئیاں

اک واری پھل وپیج لے سی مالی نے  
اگلی وار بہارنوں چپاں کھا گئیاں

ساڈے اک سرکار نے بلھ چا سیتے سی  
بس فر اُس سرکارنوں چپاں کھا گئیاں



مصرعہ دکھتے رہن دے  
باقی اکھتے رہن دے

قسمت ساڈن والیا  
میرا کلھتے رہن دے

مندری، کوکا وپیج لے  
گل دی رکھتے رہن دے

ہجرا گولی جوگیا  
وگھو وگھتے رہن دے